

T-10

Na osnovu člana 16. stav 4. Zakona o Vladi Zeničko-dobojskog kantona - Prečišćeni tekst („Službene novine Zeničko-dobojskog kantona“ broj: 7/10), na prijedlog Ministarstva za rad, socijalnu politiku i izbjeglice, Vlada Zeničko-dobojskog kantona, na 132. sjednici održanoj dana 03.12.2021. godine, d o n o s i

## ZAKLJUČAK

### I.

Prihvata se Mišljenje Ministarstva za rad, socijalnu politiku i izbjeglice o Inicijativi za izmjene i dopune Zakona o socijalnoj zaštiti, zaštiti civilnih žrtava rata i zaštiti porodice sa djecom, poslanika u Skupštini Zeničko-dobojskog kantona Piljug Enesa.

### II.

Zaključak sa Mišljenjem iz tačke I. ovog zaključka upućuje se u dalju skupštinsku proceduru.

### III.

Zaključak stupa na snagu danom donošenja.

Broj: 02-02-16099/21  
Datum, 03.12.2021. godine  
Zenica

**DOSTAVLJENO:**

1x Ministarstvo za rad, socijalnu politiku i izbjeglice,  
 Stručna služba Skupštine,  
1x a/a.





**ZENIČKO-DOBOJSKI KANTON**  
**VLADA**

N/r Sekretara  
N/r Premijera

Broj: 09-02-14584-1/21  
Zenica, 23.11.2021. godine

**PREDMET:** Mišljenje na poslaničku inicijativu poslanika u Skupštini Zeničko-dobojskog kantona Piljug Enesa, daje se

Postupajući u skladu sa zaduženjem po aktu Stručne službe Skupštine Zeničko-dobojskog kantona broj: 01-02-14584/21 od 02.11.2021.godine, u vezi dostavljanja mišljenja na poslaničku Inicijativu poslanika u Skupštini Zeničko-dobojskog kantona Piljug Enesa, pokrenutu na 39. sjednici Skupštine Zeničko-dobojskog kantona, održanoj dana 29.10.2021.godine, a u vezi sa donošenjem izmjena i dopuna Zakona o socijalnoj zaštiti, zaštiti civilnih žrtava rata i zaštiti porodice sa djecom („Sl. novine Zeničko-dobojskog kantona,” broj: 13/07, 13/11, 3/15 i 2/16, u daljem tekstu: Zakon), Ministarstvo za rad, socijalnu politiku i izbjeglice, nakon razmatranja dostavljene inicijative daje sljedeće:

**M i š l j e n j e**

Predmetnom inicijativom predlaže se donošenje Zakona o izmjenama i dopunama Zakona o socijalnoj zaštiti, zaštiti civilnih žrtava rata i zaštiti porodice sa djecom, tako da se u važećem Zakonu, izvrši izmjena člana 25. stav (5) Zakona, na način da se iz ove odredbe briše dio teksta koji propisuje da pravo na materijalnu pomoć ne mogu ostvariti domaćinstva u kojima su jedan ili više članova vlasnici ili posjednici automobila. U obrazloženju pokrenute inicijative ističe se da je u navedenom dijelu odredba sporna, jer se u praksi dešava da uslijed posjedovanja automobila porodice ne mogu ostvariti pravo na stalnu novčanu pomoć i pravo na zdravstveno osiguranje a radi se o višečlanim porodicama, koje obično imaju automobil niske tržišne vrijednosti, a automobil im služi kao prevozno sredstvo za obavljanje svakodnevnih obaveza, što bi im bilo praktično onemogućeno bez automobila, jer obično žive u udaljenim mjestima i kolektivnim centrima.

Odredba člana 25. stav (5) sada glasi: „Pravo na materijalnu pomoć ne mogu ostvariti domaćinstva u kojima je jedan od članova vlasnik preduzeća ili samostalne radnje ili ima registrovanu dopunsku djelatnost, odnosno domaćinstva u kojima su jedan ili više članova vlasnici ili posjednici automobila, osim ako im automobil služi kao ortopedsko ili drugo pomagalo, što dokazuju nalazom i mišljenjem Instituta.”



Iz navedene zakonske odredbe proizilazi da utvrđena činjenica vlasništva ili posjedovanja automobila nije smetnja za ostvarivanje prava na materijalnu pomoć ukoliko isto služi kao ortopedsko ili drugo pomagalo, što podnosioci zahtjeva dokazuju nalazom i mišljenjem Instituta. Odredbom člana 18. e) Zakona o izmjenama i dopunama Zakona o osnovama socijalne zaštite, zaštite civilnih žrtava rata i zaštiti porodice sa djecom („Službene novine Federacije BiH“ broj: 14/09) utvrđene su kategorije lica sa invaliditetom kod kojih se zbog tjelesnog oštećenja određuje potreba za ortopedskim dodatkom i to su: lica kod kojih je došlo do amputacije najmanje jednog ekstremiteta ili teškog oštećenja funkcije ekstremiteta, te slijepa lica i lica sa enukleacijom jednog oka, te shodno tome imaju i pravo na ortopedsko pomagalo. Slijedom navedenog Ministarstvo je stajališta da kod ovih kategorija lica vlasništvo ili posjedovanje automobila nije smetnja za ostvarivanje prava na stalnu ili drugu novčanu pomoć, ukoliko se nađu u stanju socijalne potrebe.

U postupku za ostvarivanje drugih prava iz socijalne i porodične zaštite i zaštite civilnih žrtava rata ne utvrđuje se činjenica posjedovanja automobila, tj. za iste posjedovanje automobila nije smetnja za ostvarivanje propisanih prava, osim u postupku za ostvarivanje prava na materijalnu pomoć, u kojem slučaju je prema odredbama važećeg Zakona posjedovanje automobila smetnja

U dijelu Inicijative u kojem se ukazuje na ostvarivanje prava na zdravstveno osiguranje građana ističemo da je Ministarstvo za rad, socijalnu politiku i izbjeglice utvrdilo Uputstvom o načinu priznavanja prava na zdravstveno osiguranje i ostvarivanje osnovne zdravstvene zaštite određenih kategorija lica koja nisu zdravstveno osigurana po drugom osnovu („Sl. novine Zeničko-dobojskog kantona“ broj: 1/19) kategorije lica koje mogu ostvarivati pravo na zdravstvenu zaštitu a nisu zdravstveno osigurani po drugom osnovu. Slijedom navedenog pravo na zdravstvenu zaštitu mogu ostvariti bez obzira na činjenicu posjedovanja automobila, osim korisnika prava na stalnu novčanu pomoć građani koji su stariji od 65 godina muškarci) odnosno 60 godina (žene), civilne žrtve rata, djeca od rođenja do polaska u osnovnu školu, lica smještena u ustanovu socijalne zaštite.

Iz naprijed navedenih razloga Ministarstvo je stajališta da zakonsku odredbu na koju se odnosi Inicijativa za sada ne treba mijenjati, jer ipak materijalna pomoć je namijenjena materijalno neosiguranim licima, a posjedovanje automobila pretpostavlja određene materijalne mogućnosti, zbog čega smo stajališta da nisu stečeni uslovi za prihvatanje predložene inicijative.

S poštovanjem,

**Dostavljeno:**

1x Naslov

1x a/a

Obradivač akta:

Dijana Dedić



05-P2 / 02.11.21. (en)

Piljug Enes

Zastupnik u Skupštini Zeničko-dobojskog kantona

Kakanj, 26.10.2021. godine

- Predsjedavajući Skupštine ZDK
- Ministarstvo za rad, socijalnu politiku i izbjeglice ZDK
- Vlada ZDK

U skladu s odredbama člana 111.i 112. Poslovnika Skupštine Zeničko – dobojskog kantona- Treći prečišćeni tekst – ( Službene novine Zeničko-dobojskog kantona, broj14/2018), pokrećem:

### INICIJATIVU

Za izmjenu i dopunu Zakona o socijalnoj zaštiti civilnih žrtava rata i zaštiti porodice sa djecom ( „ Sl.novine Zeničko – dobojskog kantona „ br: 13/7, 13/11, 3/15 i 2/16, u daljem tekstu : Zakon „).Na način da se iz navedenog Zakona u članu 25. stav 5. briše posljednji dio koji se odnosi na domaćinstva u kojima jedan ili više članova su vlasnici ili posjednici automobila.

### OBRAZLOŽENJE

Obzirom na spornu odredbu člana 25. Zakona na osnovu kojeg se poziva Centar za socijalni rad i na osnovu kojeg uskraćuje pravo korisnicima na stalnu novčanu pomoć i pravo na zdravstveno osiguranje odnosno na osnovnu zdravstvenu zaštitu a sve iz razloga što se utvrdi da neki od članova domaćinstva posjeduje automobil. To što neko posjeduje automobil od članova domaćinstva ne znači i ne treba da znači da korisnicima bude uskraćeno pravo na stalnu novčanu pomoć i osnovnu zdravstvenu zaštitu.

Radi se o višečlanim porodicama koje obično imaju automobil niske tržišne vrijednosti a koji im služi isključivo u obavljanju svakodnevnih radnji odnosno zadovoljavanju najosnovnijih potreba kao što su odlazak ljekaru, kupovina hrane i lijekova. Navedeni korisnici obično žive u udaljenim mjestima i kolektivnim centrima gdje je praktički nemoguće funkcionisati bez prevoznog sredstva.

Pozitivnim zakonskim rješenjem su dovedeni u još goru situaciju jer pribjegavaju prodaji navedenih starih automobila te tako ostaju bez osnovnog sredstva i u još goroj materijalnoj situaciji. Shodno navedenom predlažem izmjenu Zakona odnosno brisanje dijela člana 25. stav 5. kako je naprijed navedeno.

S poštovanjem,

Zastupnik SDP BiH u Skupštini ZDK



Piljug Enes



# SLUŽBENE NOVINE

## ZENIČKO - - DOBOJSKOG KANTONA

Godina XII - Broj 13

ZENICA, Četvrtak, 26.07.2007.

### SKUPŠTINA

158.

Na osnovu člana 37. stav (1) tačka (f) Ustava Zeničko-dobojskog kantona, Skupština Zeničko-dobojskog kantona na 8. sjednici održanoj dana 27.06.2007. godine, donosi:

## ZAKON O SOCIJALNOJ ZAŠTITI, ZAŠTITI CIVILNIH ŽRTAVA RATA I ZAŠTITI PORODICE SA DJECOM

### DIO PRVI – OSNOVNE ODREDBE

#### Član 1.

Ovim zakonom bliže se uređuje: socijalna zaštita građana i njihovih porodica; korisnici prava iz socijalne zaštite i osnovna prava iz socijalne zaštite; uvjeti i postupak sticanja prava iz socijalne zaštite kao i iznosi novčanih i drugih davanja; osnivanje i rad ustanova socijalne zaštite; uvjeti, način i postupak ostvarivanja prava civilnih žrtava rata i članova njihovih porodica; uvjeti, način i postupak, organi i finansiranje prava porodice sa djecom; obilježavanje "Dječije nedjelje"; finansiranje prava iz socijalne zaštite, zaštite civilnih žrtava rata i zaštite porodice sa djecom; nadzor nad provođenjem zakona, kaznene odredbe i druga pitanja od značaja za ostvarivanje prava iz socijalne zaštite, zaštite civilnih žrtava rata i zaštite porodice sa djecom u Zeničko-dobojskom kantonu (u daljem tekstu: Kanton).

#### Član 2.

- (1) Ovaj zakon osigurava jednakost u pristupu i uživanju sadržanih prava.
- (2) Zakon zabranjuje bilo koji oblik diskriminacije, indirektno ili direktno, po bilo kojem osnovu kao što je rasa, spol, jezik, vjera, političko ili drugo mišljenje, nacionalno ili socijalno porijeklo, imovina, rođenje ili drugi status.
- (3) Djelatnost socijalne zaštite, zaštite civilnih žrtava rata i zaštite porodica sa djecom je od interesa za Kanton, kojom se osigurava i ostvaruje pomoć za podmirenje osnovnih životnih potreba socijalno ugroženih, nespo-

sobnih i drugih lica, koje one same ili uz pomoć članova porodice ne mogu zadovoljiti, zbog nepovoljnih ličnih, ekonomskih, socijalnih i drugih okolnosti.

#### Član 3.

- (1) Djelatnost socijalne zaštite, zaštite civilnih žrtava rata i zaštite porodice sa djecom obavljaju ustanove socijalne zaštite i općinska služba za upravu.
- (2) Ustanove socijalne zaštite imaju svojstvo pravnog lica.
- (3) Na osnivanje i rad ustanova socijalne zaštite primjenjuju se propisi o ustanovama, ako ovim zakonom nije drugačije određeno.
- (4) Djelatnost socijalne zaštite, zaštite civilnih žrtava rata i zaštite porodice sa djecom mogu obavljati i humanitarne organizacije, udruženja, vjerske zajednice i organizacije koje one osnivaju, građanin pojedinac i strana fizička ili pravna lica.

#### Član 4.

- (1) Porodicu, u smislu ovog zakona, čini: bračni drug, odnosno vanbračni drug, dijete (bračno, vanbračno, usvojeno, pastorče i dijete bez roditelja uzeto na izdržavanje), otac, majka, očuh, maćeha, djed i nena-baba (po ocu i majci) i braća i sestre bračnih drugova.
- (2) Članovi porodice civilne žrtve rata, u smislu ovog zakona, su: bračni drug, djeca (rođena u braku ili van braka, usvojena i pastorčad) - članovi uže porodice, te roditelji i usvojioci, očuh i maćeha – članovi šire porodice.
- (3) Članom porodice u smislu stava (2) ovog člana, smatra se vanbračni drug koji s civilnom žrtvom rata ima djecu i s njom živi, odnosno, živio je do njene smrti u zajedničkom domaćinstvu, najmanje godinu dana.
- (4) Zajedničko domaćinstvo, u smislu ovog zakona, je ekonomska zajednica jedne ili više porodica u kojoj zajednički stiču i troše novčana i druga materijalna sredstva, stečena radom i korištenjem zajedničkih materijalnih dobara (zemljište, zgrade i drugo).

#### Član 5.

- (1) Djetetom, u smislu ovog zakona, smatra se lice do 18 godina života.

**Član 21.**

Pravo na stalnu novčanu pomoć imaju lica i porodice, pod slijedećim, uvjetima:

- a) da su nesposobni za rad, odnosno spriječeni u ostvarivanju prava na rad,
- b) da nemaju dovoljno prihoda za izdržavanje,
- c) da nemaju članova porodice koji su po zakonu obavezni da ih izdržavaju ili ako ih imaju, da ta lica nisu u mogućnosti da izvršavaju obavezu izdržavanja.

**Član 22.**

Nesposobnim za rad, odnosno spriječenim u ostvarivanju prava na rad, u smislu ovog zakona, smatra se lice:

- a) potpuno nesposobno za samostalan rad i privredništvo,
- b) lice starije od 65 godina (muškarac), odnosno 60 godina (žena),
- c) žena za vrijeme trudnoće, porođaja i poslije porođaja, u skladu sa propisima o radu,
- d) roditelj, očuh, maćeha ili usvojilac koji se stara o jednom ili više djece do jedne godine života, a nema članova porodice ni srodnike koji su po zakonu obavezni da ga izdržavaju ili ako ih ima, da ta lica nisu u mogućnosti da izvršavaju obavezu izdržavanja,
- e) dijete do navršene 15 godine života, a ako je na redovnom školovanju do navršene 27 godine života,
- f) lice sa trajnim smetnjama u fizičkom i psihičkom razvoju,
- g) lice koje u porodici njeguje lice sa invaliditetom ili teško oboljelo lice, ukoliko je utvrđeno da je tom licu prijeko potrebna pomoć i njega od strane drugog lica.

**Član 23.**

- (1) Nalaz i mišljenje o nesposobnosti za rad lica iz člana 22. tačka a) ovog zakona u prvom i drugom stepenu daje Institut za medicinsko vještačenje Federacije BiH (u daljem tekstu: Institut).
- (2) Nalaz i mišljenje o sposobnosti i razvrstavanju djeteta ometenog u fizičkom ili psihičkom razvoju daje, u prvom stepenu stručna komisija za ocjenjivanje sposobnosti i razvrstavanje djece ometene u fizičkom ili psihičkom razvoju, koju obrazuje nadležni organ općine, a u drugom stepenu stručna komisija koju obrazuje Ministarstvo za rad, socijalnu politiku i izbjeglice Zeničko-dobojskog kantona (u daljem tekstu: Ministarstvo).
- (3) Dvije ili više općina mogu se sporazumjeti da zajednički obrazuju prvostepenu komisiju iz stava (2) ovog člana.
- (4) Pravilnik o otkrivanju, ocjenjivanju sposobnosti, razvrstavanju i evidenciji djece ometene u fizičkom ili psihičkom razvoju donijet će Ministar.

**Član 24.**

- (1) Ukupan prihod domaćinstva čine prihodi koje članovi domaćinstva ostvaruju po osnovu:
  - a) plaća i drugih primanja iz radnog odnosa;
  - b) starosne, invalidske i porodične penzije;
  - c) poljoprivredne djelatnosti;
  - d) primanja po propisima o boračko-invalidskoj zaštiti i zaštiti civilnih žrtava rata;
  - e) prihoda ostvarenih po osnovu imovinskog prava;
  - f) prihoda ostvarenih po osnovu privredne, uslužne i druge djelatnosti;
  - g) dopunskog rada;
  - h) i drugih primanja.
- (2) Prihodom od poljoprivredne djelatnosti u smislu tačke (c) stava (1) ovog člana smatra se katastarski prihod iz prethodne godine, uvećan dva puta.
- (3) Prihodom u smislu stava (1) ovog člana ne smatraju se: novčane naknade po osnovu prava lica sa invaliditetom, dodatak na djecu, stipendije, krediti učenika i studenata, alimentacije i jednokratne pomoći.

**Član 25.**

- (1) Smatra se da lice nema dovoljno prihoda za izdržavanje ako ukupan prihod po članu domaćinstva mjesečno ne prelazi 10% od prosječne plaće Kantona.
- (2) Pravo na materijalnu pomoć, osim uvjeta propisanih ovim zakonom ne može ostvariti lice koje je vlasnik, odnosno posjednik nekretnina (kuće, stana i druge nekretnine) koja svojom veličinom prelazi potrebu domaćinstva, odnosno čijom bi se prodajom ili davanjem u zakup mogla ostvariti sredstva potrebna za izdržavanje, te bi se po osnovu te imovine izdržavanje moglo obezbjediti ugovorom o doživotnom izdržavanju, što u svakom konkretnom slučaju procjenjuje Centar za socijalni rad, odnosno nadležna općinska služba za upravu (u daljem tekstu: općinski prvostepeni organ).
- (3) Posjedovanje nekretnine (kuće ili stana) nije smetnja za ostvarivanje prava na materijalnu pomoć, pod uvjetom da veličina kuće ili stana ne prelazi 40 m<sup>2</sup> stambenog prostora za jednočlano domaćinstvo, odnosno dodatnih 5 m<sup>2</sup> za svakog sljedećeg člana.
- (4) Lica ili domaćinstva koja su ostvarila sredstva prodajom imovine ili su svoju imovinu darovala, nemaju pravo na materijalnu pomoć za vremenski period u kojem iznos pomoći odgovara visini cijene postignute prodajom, odnosno darovanjem imovine.
- (5) Prava na materijalnu pomoć ne mogu ostvariti domaćinstva u kojima je jedan od članova vlasnik preduzeća ili samostalne radnje ili ima registrovanu dopunsku djelatnost, odnosno domaćinstva u kojima su jedan ili više članova vlasnici ili posjednici automobila.



Godina XVI - Broj 13

ZENICA, srijeda, 21.09.2011.

**SKUPŠTINA**

286.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona, na 11. sjednici, održanoj 07.09.2011. godine, donosi

**ZAKON  
O IZMJENI ZAKONA O GRAĐENJU**

**Član 1.**

U članu 54. u stavu 3. Zakona o građenju („Službene novine Zeničko-dobojskog kantona“, broj: 1/05, 2/08 i 15/09) riječi „do 31.12.2010. godine“ zamjenjuju se riječima „do 31.07.2013. godine“.

**Član 2.**

Ovlašćuje se Zakonodavno-pravna komisija Skupštine Zeničko-dobojskog kantona da utvrdi prečišćeni tekst Zakona o građenju.

**Član 3.**

Ovaj Zakon stupa na snagu osmog dana od dana objavljivanja u „Službenim novinama Zeničko-dobojskog kantona“.

Broj: 01-02-22778/11  
Datum, 08.09.2011. godine  
Zenica

**PREDSJEDAVALAČICA**  
**Miralem Galijašević, s.r.**

287.

Na osnovu člana 37. stav 1. tačka f) Ustava Zeničko-dobojskog kantona, Skupština Zeničko-dobojskog kantona na 11. sjednici održanoj dana 07.09.2011. godine, donosi

**ZAKON**

**O IZMJENAMA I DOPUNAMA ZAKONA O  
SOCIJALNOJ ZAŠTITI, ZAŠTITI CIVILNIH  
ŽRTAVA RATA I ZAŠTITI PORODICE SA  
DJEKOM**

**Član 1.**

U Zakonu o socijalnoj zaštiti, zaštiti civilnih žrtava rata i zaštiti porodice sa djecom („Službene novine Zeničko-dobojskog kantona“, broj:13/07) u članu 4. u stavu (1), riječi u zagradi „dijete bez roditelja“ zamjenjuju se riječima „dijete bez roditeljskog staranja“.

**Član 2.**

U članu 6. u stavu (2) iza riječi „koristi“ dodaju se riječi „ili može koristiti“.

**Član 3.**

U članu 11. u stavu (1) iza tačke j), tačka se zamjenjuje tačkom-zarezom i dodaje se nova tačka k) koja glasi:

„ k) lica koja su žrtve porodičnog nasilja i nasilja u zajednici.“

**Član 4.**

U članu 13. iza tačke f), tačka se zamjenjuje zarezom i dodaje se nova tačka g) koja glasi:

„ g) lica sa autizmom.“

**Član 5.**

Iza člana 18. dodaje se novi član 18a. koji glasi:

**„Član 18a.**

Žrtva porodičnog nasilja i nasilja u zajednici, u smislu člana 11. stav (1) tačka k) ovog zakona je lice kome je

nanesena fizička, psihička i seksualna patnja ili emocionalna šteta, kao i prijetnja takvim djelima ili propuštanja činjenja dužne pažnje, nebriga i nerješavanje osnovnih potreba, što ga ozbiljno sputava da uživa u svojim pravima i slobodama.“

#### Član 6.

(1) U članu 19. na početku uvodne rečenice dodaje se oznaka „(1)“.

(2) U stavu (1) iza tačke g) tačka se zamjenjuje tačkom-zarezom i dodaje se nova tačka h) koja glasi:

„h) privremeni smještaj i zbrinjavanje u sigurnoj kući.“

(3) Iza stava (1) dodaje se novi stav (2) koji glasi:

„(2) Postupak, uslovi i finansiranje privremenog smještaja i zbrinjavanja u sigurnoj kući bit će uređeni Uputstvom koje će donijeti Ministar.“

#### Član 7.

U članu 21. u stavu (1) tačka c) iza riječi: „članova porodice“ dodaju se riječi: „niti srodnika“.

#### Član 8.

U članu 24. u stavu (2) zarez iza riječi „godine“ zamjenjuje se tačkom, a preostali tekst se briše.

#### Član 9.

U članu 25. u stavu (5) na kraju stava tačka se zamjenjuje zarezom i dodaju riječi: „osim ako im automobil služi kao ortopetsko ili drugo pomagalo, što dokazuju Nalazom i mišljenjem Instituta.“

#### Član 10.

U članu 26. u stavu (2) iza riječi: „član porodice“ dodaju se riječi: „niti srodnik“.

#### Član 11.

(1) U članu 30. u stavu (1) tačka na kraju stava zamjenjuje se zarezom i dodaje tekst koji glasi:

„i da nemaju članove porodice niti srodnike koji su po zakonu obavezni da ih izdržavaju, ili ako ih imaju, da ta lica nisu u mogućnosti da izvršavaju obavezu izdržavanja.“

(2) U stavu (2) iza riječi: „65. godina“ stavlja se tačka, a preostali dio teksta se briše.

(3) Stav (5) se briše.

#### Član 12.

Iza člana 30. dodaje se novi član 30a. koji glasi:

#### „Član 30a.

(1) Lica sa invaliditetom koji je nastao nakon 65. godine života a kod kojih je, u skladu sa mišljenjem Instituta, utvrđena potreba za korištenjem prava na dodatak za njegu i pomoć od drugog lica ovo pravo ostvaruju u skladu sa ovim zakonom.

(2) Lica iz stava (1) ovog člana razvrstavaju se u dvije grupe u skladu sa odredbama člana 18b. i 18d. Zakona o osnovama socijalne zaštite, zaštite civilnih žrtava rata i zaštite porodice sa djecom („Službene novine Federacije BiH“, broj: 36/99, 54/04, 39/06 i 14/09).

(3) Dodatak za njegu i pomoć od drugog lica za lica sa invaliditetom koji je nastao nakon 65. godine života određuje se u mjesečnom iznosu u procentu od prosječne plaće Kantona, i to:

- a) za I. grupu 20 % od prosječne plaće Kantona,
- b) za II. grupu 10 % od prosječne plaće Kantona.

(4) Ukoliko planirana sredstva za tekuću budžetsku godinu budu nedovoljna za isplatu novčanih primanja iz stava (3) ovog člana, raspoloživa sredstva dijele se sa iznosom potrebnim za isplatu prema ovom Zakonu i određuje koeficijent za mjesečna davanja koji ostaje na snazi do rebalansa budžeta ili usvajanja novog budžeta.

(5) Refundacija troškova pregleda medicinskog vještačenja kod Instituta vršit će se u skladu sa odredbama člana 11. Federalnog zakona, a prema Uputstvu koje donosi Ministar.“

#### Član 13.

U članu 31. tačka „d)“ briše se, a dosadašnja tačka e) postaje tačka d).

#### Član 14.

Iza člana 31. dodaje se novi član 31a. koji glasi:

#### „Član 31a.

Lice iz člana 30a. ostvaruje pravo na dodatak za njegu i pomoć od strane drugog lica, uz ispunjavanje sljedećih uvjeta:

- a) da nije smješteno u ustanovu socijalne zaštite, na teret sredstava općinskog, odnosno kantonalnog Budžeta,
- b) da ne ostvaruje pravo na kućnu njegu i pomoć u kući.“